

os bolechas^{® TM}
PEPE CARREIRO

guías



0 061

 **bolanda** EDICIONES Y MARKETING




Urxencias Sanitarias de Galicia 061 é o Sistema de Emerxencias Sanitarias de Galicia, ao que se accede directamente chamando ao número **061**. Está integrado por unha Central de Coordinación única situada en Santiago –que recibe un millón de chamadas ao ano– e as ambulancias sanitarias: 11 ambulancias asistenciais de soporte vital avanzado, 101 ambulancias asistenciais de soporte vital básico e 2 helicópteros medicalizados.

Chama ao **061**
sempre que precisas
axuda sanitaria.



Os Bolechas visitan o 061. A doutora vainos guiar polas instalacións e vailles explicar como funciona este servizo sanitario. Vestíronse todos co uniforme do 061, que leva franxas reflectoras para facerse ver.





Neste despacho están
as persoas que
reciben as

chamadas: os
teleoperadores.
Se chamades
algún día ao
061, será unha
destas persoas
quen vos atenderá
por teléfono.
Vouvos explicar
como funciona
todo paso a paso.





A teleoperadora recibe a chamada dunha persoa que precisa axuda.




Neste caso, é un mestre quen chama ao 061, porque unha alumna súa torceu un pé e pide que vaia un médico a vela.

A teleoperadora pídlle o enderezo da escola.





A teleoperadora pásalle a chamada a unha médica, para que o mestre lle explique o que lle pasa á nena.




O mestre dille á médica o nome e os apelidos da alumna e explícalle o que lle pasou: torceu un pé mentres ensaiaba ballet para o festival da escola. E está moi pálida e mareada.

A médica dille que poña a perna da nena un pouco elevada e que a manteña así mentres non chega a ambulancia que lles vai mandar.



A ambulancia do 061 sae cara á escola. Van nela dous técnicos en emerxencias sanitarias e o persoal sanitario do 061.



Os técnicos saben onde está a escola, porque a teleoperadora pasoulles o enderezo.





A ambulancia do 061 chega á escola. Chega tamén a nai da alumna, que a avisou o mestre.





O enfermeiro do 061
véndalle o pé á alumna
e dille á nai que lle dea
un analxésico, se lle doe. E que
volva chamar ao 061, se ao
longo da tarde a nena ten dor ou
queren aclarar algunha dúbida.

A nai e o mestre quedan moi
tranquilos. Seguro que dentro de
poucos días a nena pode seguir
ensaiano ballet para o festival
da escola.





O 061 conta con dous tipos de ambulancias: as asistenciais de soporte vital avanzado e as asistenciais de soporte vital básico.

Nas de soporte vital avanzado van 4 persoas: un médico, un enfermeiro e dous técnicos en emerxencias sanitarias. Levan tamén un equipo para atender pacientes graves.



O 061 conta tamén con helicópteros para chegar antes a situacións moi urxentes ou a lugares onde non poden acceder as ambulancias.



Ademais do persoal sanitario, no helicóptero vai un piloto e un copiloto.



CONSELLOS




Cando teñamos unha urxencia sanitaria ou necesitamos información sobre un medicamento ou calquera outra cousa relacionada coa saúde, debemos de chamar ao **061**.




NON OS ESQUEZAS



É moi importante describir ben o lugar dende onde chamamos, por se ten que asistirnos unha ambulancia ou un helicóptero.



Tamén debemos de explicar con claridade a causa da chamada.



No **061** atenderanos sempre persoal sanitario.

os bolechas

PEPE CARREIRO



Carlos



Loli



Pili



Braulio



Sonia




Tatá



Chispa



Mamá Bolechas



Papá Bolechas



Avoa materna
Balbina



Avó materno
Marcelo



Avoa paterna
Flora



Avó paterno
Emiliano